

sticæ, Pontum universum hoc nomine rexisse fusè superius ex ipsiusmet Epistolis probavimus, idque ita perspicuum est, ut plura dicere superfluum esset.

XV.
EPHESUS METROPOLIS
ASIAE ET SEDES
PRIMATIS.

Ephesus in Ionia sita prima Metropolis fuit Diœcesis Asiæ speciatim sumptæ, templo Dianæ inter septem mundi miracula numerato olim nobilis, nec minus Schola Ionica, ex qua Plato prodiit. Eam ab Epheso Dianæ ministra vocatam scribit Eustathius: licet ab antiquis historiæ scriptoribus ejus adificatio aliis tribuatur. Ab Eumene rege eam conditam fert Livius^a: sed Justinus^b Amazonibus tribuit, dum ipsas Asia subacta multas in ea civitates ac inter eas Ephesum construxisse docet. Quidquid sit, jam Metropolis erat totius Asiæ Antonini Imperatoris tempore, qui proinde edictum de religione

^a Euseb. Hist. lib. 4. cap. 12.
^b Just. lib. 2. Hist.

nostra, inquit Eusebius^c, statuere volens, illud in communi Concilio Asiæ apud Ephesum celebrato promulgari curavit. Verùm longè apud Christianos celebrior extitit, quod, eodem Eusebio^d teste, Ephesina Ecclesia à Paulo sit fundata, & Joannes amantissimus Christi discipulus ad Trajani tempora in ea vi-

^d Id. l. 2. c. 17.
^e Tertull. de præscript. c. 37.

tam produxerit. Hinc fit, ut jam Tertulliani^e tempore Metropolis esset Asiæ, cum hic enumerans Apostolicas Primariasque Ecclesiæ Sedes, hæc dicat: *si potes in Asiam tendere habes Ephesum*. Sed & ejus Episcopus non tantum Metropolita fuit Asianæ Provinciæ, verum etiam totius diœcesis ejusdem nominis Exarchus: ut in subscriptione Theodori Ephesini Antistitis patet, quæ sic inter syngra-

^f Sozomenus Hist. 1. 8. c. 6.

phas Concilii generalis sexti legitur: *Theodorus misericordia Dei Episcopus Ephesorum Metropolis Asiana Provinciæ, & Primum habens Asiana diœceseos desiniens subscripsi*. Nec istud minus clarè probatur ex Sozomeno^f, dum ait: multos Episcopos in Lycia, Phrygia & Asia, ab Ephesino Episcopo per simoniam ordinatos, à Joanne Chrysostomo exauctoratos fuisse. Addam & hujus auctoritatis antiquitus fuisse Ephesinum Antistitem, ut jus quo potiebatur Pa-

^g Euagr. Hist. lib. 3. cap. 6.

triarchicum nominet Euagrius^g scribens illud ei ablatum fuisse in Concilio Chalcedonenfi, cum Asiana diœcesis Patriarchæ Constantinopolitano subiecta est. Eum quoque aliis Patriarchis quasi æqualem quidam constituunt; sed Antiocheno Patriarchæ totius Orientis semper paruisse ante Concilium Chalcedonense, inferiùs docebimus: nec sane concipi potest, quomodo Antiochenus Episcopus in aliquas Orientis Provincias, quæ priùs aliquatenus ei non subessent, auctoritatem à Patribus Concilii Nicæni acceperit, ut scri-

^h Leo Mag. Epist. 62. ad Max. Antioch.

bit Leo^h Magnus. Nonnullos Ephesinæ Sedis Antistites in Notitia referemus: sed priùs qui Patriarchali Constantinopolitanæ usque ad finem sexti sæculi præfuerint, ex Historia Ecclesiastica enarrandum.

SERIES PATRIARCHARUM CONSTANTINOPOLITANORUM,

Ex Historiæ Ecclesiasticæ Scriptorum ipsis verbis.

Chron. Alex-
xandrin. Const.
Augusto 4. &
Licinio 3. Con-
sulibus.

Socrates Hist. Eccles. l. 1. c. 25.

Idem lib. 2. c. 4.

Id. eod. l. c. 5.

Byzantinæ Ecclesiæ Ἀρχιεπίσκοπος seu Archipræsul primus præfuit Metrophanes annos 10.

Alexander, qui jam pridem Metrophani in Episcopatu Constantinopolitano successerat, illi Ecclesiæ præfuit.

In Ecclesia, quæ pacis nomen habet, quæque in proximo sita est illi, quæ magna Ecclesia dicitur, Sapientiæque nomine nuncupatur, *Paulus* deligitur Episcopus: inque eo deligendo demortui suffragium videbatur primas tulisse.

Non multo post Imperatori Constantinopolim adventanti electio Pauli Episcopi non mediocrem bilem movit. Atque Concilio Episcoporum improbæ Arianæ opinionis deditorum in unum convocato, Paulum Episcopatu abdi-